



四川通志卷四十七

輿地志 四十六

陵墓 四

睢州直隸州

唐花卿墓在州西東館鎮

州志花敬定本長安人至德閒從崔光遠入蜀討段

子璋有功封嘉祥縣公後與寇單騎塵戰已喪元
猶騎馬荷戈至鎮下馬沃盥適浣紗女語曰無頭
何以盥爲遂僵仆居民葬之溪上歷代廟祀之附
宋謝翱詩溼雲模糊埋秋空雨青沙白丹稜東莓
苔陰陰草茸茸云是花卿古來冢花卿舊事人所
知花卿古冢知者誰精靈未歸白日西廟鴉啄肉
枝上啼綿州柘黃魂正飛

宋蘇序墓在州修文鄉贈尙書職方員外郎

附宋曾鞏銘熙

寧元年春余之同年友趙郡蘇軾自蜀以書至京師謂余曰軾之大父行甚高而不爲世用故不能自見於天下然古之人亦不必皆能自見而卒有傳于後者以世有發明之者耳故軾之先人嘗疏其事蓋將屬銘于子而不幸不得就其志軾何敢廢焉子其爲我銘之余爲之記其說曰君諱序字仲先睢州睢山人其先蓋趙郡樂城人也曾大父欽大父祐父杲三世皆不仕而行義聞于鄉里祐生於唐季而卒于周顯德之閒嘗以事至成都遇道人異之屏人謂曰吾術能變化百物將以授子祐辭不願道士笑曰是果有以過人矣而杲始以好施顯名君讀書務知大義爲詩務達其志而已詩多至于餘篇爲人疎達自信持之以謙輕財好施急人之病孜孜若不及歲凶賣田以賑其鄰里鄉黨至熟人將償之君辭不受以是數窘其家厄于饑寒然未嘗以爲悔而好施益甚遇人無疎密

一與之傾蓋無疑礙或欺而侮之君亦不變人莫測其意也李順叛攻眉州君居圍中守禦會其父病歿君治喪執禮盡哀退慰安其母皆不失所宐慶歷初詔州縣立學取士爭欲執事學中君獨戒其子孫退避人皆服其行蜀自五代之亂學者衰少又安其鄉里皆不願出仕君獨教其子渙受學所以成就之者甚備至渙以進士起家蜀人榮之其後睂之學者至千餘人蓋自蘇氏始而君之季子洵壯猶不知書君亦不強之謂人曰是非憂其不學者也既而洵果奮發力學與其子軾轍皆以文學名天下爲學者所宗蓋雖不用于世而見于家稱于鄉里者如此是可以傳也已君始以子恩爲大理評事後累贈尙書職方員外郎享年七十有五慶歷五年五月十一日終于家八年二月某日葬于睂山縣修文鄉安道里先塋之側夫人史氏蓬萊縣太君二子曰渙尙書都官郎中提點利川路刑獄公事有能名曰洵霸州文安縣主簿編纂太常禮書贈光祿寺丞孫七人位份不欺不疑

不危軾轍軾殿中丞直史館轍商州軍事推官銘
曰蘇氏祖西值蜀崩分三世高逝以篤吾仁君始
不羈勞躬以卑孝於父母施及窮瘼維見之卓教
其子孫終化鄉邦學者誦誦維子若孫同時三人
擅名文章震動四方迺本厥初考祖之自刻詩墓
石以畀厥裔

蘇洵墓在州墓頤山東二十里老翁泉傍

附宋歐陽修銘

有蜀君子曰蘇君諱洵字明允眉州眉山人也君
之行義修于家信于鄉里聞于蜀之人久矣當至
和嘉祐之間與其二子軾轍偕至京師翰林學士
歐陽修得其所著書二十二篇獻諸朝書既出而
公卿士大夫爭傳之其二子舉進士皆在高等亦
以文學稱于時眉山在西南數千里外一日父子
隱然名動京師而蘇氏文章遂擅天下君之文博
辨宏偉讀者悚然想見其人既見而溫溫似不能
言及卽之與居愈久而愈可愛閒而出其所有愈
叩而愈無窮嗚呼可謂純明篤實之君子也曾祖

諱祐祖諱杲父諱序贈尚書職方員外郎三世皆
不顯職方君三子曰澹曰渙皆以文學舉進士而
君少獨不喜學年已壯猶不知書職方縱而不問
鄉閭親族皆怪之或問其故職方君笑而不答君
亦自如也年二十七始大發憤謝其素所往來少
年閉戶讀書爲文辭歲餘舉進士再不中又舉茂
材異等不中退而歎曰此不足爲吾學也悉取所
爲文數百篇焚之益閉戶讀書絕筆不爲文辭者
五六年乃大究六經百家之說以考質古今治亂
成敗聖賢窮達出處之際得其粹精涵畜充溢抑
而不發久之慨然曰可矣由是下筆頃刻數千言
其縱橫上下出入馳驟必造于深微而後止蓋其
稟也厚故發之也遲志也懃故得之也精自來京
師一時後生學者皆尊其賢學其文以爲師法以
其父子俱知名故號老蘇以別之初修爲上其書
召試紫微閣辭不至遂除試秘書省校書郎會太
常修纂建隆以來禮書乃以爲霸州文安縣主簿
使食其祿與陳州項城縣令姚闡同修禮書爲太

常因革禮一百卷書成方奏未報而君以疾卒實
治平三年戊申四月也享年五十有八天子聞而
哀之特贈光祿寺丞勅有司具舟載其喪歸于蜀
君娶程氏大理寺丞文應之女生三子曰景先早
卒軾今爲殿中丞直史館轍權大名府推官三女
皆早卒孫曰邁曰遲有文集二十卷諡法三卷君
善與人交急人患難死則卹養其孤鄉人多德之
蓋晚而好易曰易之道深矣汨而不明者諸儒以
附會之說亂之也去之則聖人之旨見矣作易傳
未成而卒治平四年十月壬申葬于彭山之安鎮
鄉可龍里君生于遠方而學文晚成常歎曰知我
惟吾父與歐陽公也然則非余誰宜銘銘曰蘇顯
當世實樂城人以官畱眉蕃育子孫自其高曾鄉
里稱仁偉歟明允大發于文亦既有文而又有子
其存不朽其嗣彌昌嗚呼明允可謂不亡明余承
勛復修老泉先生墳祠記嘉靖壬子春臺史汝南
俞公時按部睢州夜夢與東坡先生接因謁三蘇
祠爲文祭之曰東坡穎濱葬于吾鄉之汝穎間墓

至今存也惟老泉先生葬于眉山故墟按歐陽公誌墓在武陽之可龍里豈爲人滅其跡久而無所考耶遂命其守楊侯秉和上下彭山閒求之竟弗獲議者謂東山十里廣福寺者相傳爲老泉勅賜守塚之寺也卽其地封而祠焉弗愈于終亡已乎不然潁濱墳院記有之廣福爲先公文安府君墳側之精舍也距墳四里許翁初卜葬得安鎮之山有泉曰老翁井墳距泉西南祇十餘步爾今之求老泉墓者舍寺而求諸泉近之矣侯乃度方里以諮其泉遂得之於石龍東岸之柳溝山中其山壯偉環抱泉坳然出於兩山之間畜爲井翁謂葬書協吉爲神之居其信然哉乃復得聯櫛于山楹之下雖無理辭翁祭程夫人文惟子之墳鑿爲二室徵夫泉與穴信乎爲老泉遺冢也若石龍者適在彭眉界中豈可襲相傳之誤耶侯因諭居民我弗爾罪圖別址以徙爾居我將治泉穴構祠宇乃封乃樹申樵採之禁於守冢焉庶幾老泉之靈爽棲於此矣遂約其勞費以聞于臺史從之未幾祠成

侯屬承勛記其事仰而歎曰老翁井僻泉也自老
泉而有聞焉今老泉泯矣據老翁井而復得之翁
之井銘曰惟我與爾遂終不泯翁與泉何異世相
遭也哉說者謂東坡顙濱若歸耐翁所謂庚壬之
穴則翁之墓至今存可也不然老泉嘗欲卜居河
南貧不能遂二公蓋承其先志者今二公塋域中
亦有小谿山西望墓顙風景不殊又安知老泉之
靈不往來遨遊于汝顙間耶至三蘇之所以存者
歐陽公銘曰偉與明允亦既有文而又有子故其
父子兄弟一時文名震京師其終也忠愛孝悌之
節率可以表見于天下後世其存而不朽者在是
矣又豈繫于一抔之土爲蘇氏有無輕重哉若夫
臺史之文章氣節視蘇氏異代而齊光者故其感
契之深寓諸夢寐極意而推表之矣嗚呼佳城見
白日而滕公葬峽槲墮而王果復營斂之今老泉
之廢井亦幾五百年而遇臺史封其祠焉非定數
也乎翁諱洵字明允號老泉其詳在宋史傳茲故
畧是舉也憲伯陳公常巡道楊公守約參伯鄭公

光溥學憲陳公鑒先後贊成之若吾鄉之少卿吳君嘉祥憲副弟承業亦嘗與泉諮焉謹錄以爲記

國朝戴伊任重修老泉先生墓記老泉公之墓由宋元明四百餘年碑誌剝蝕莫可考據明成化中州守承中丞侍御諸當事意於墓頤山前後求之弗獲乃卽廣福寺後脈樹墓以申拜祭後溯井求墓于石龍柳溪得之自明季滄桑後百餘年無人訪及康熙四十一年壬午學政段子文便道過之詢一老人遂造其地歸與州守金一鳳言其狀公率僚屬紳耆往謁焉斬荆棘芟藤蘿見豐碑屹立苔蘚塵封凡碑三一爲老泉墓碑一爲明侍御諭公求公墓及獲公墓碑原委井然其一碑小而臥于側者則爲明判官公之裔孫蘇大章贖祀田邊界碑也塚爲偷兒穿挖深可數尺猶見石槨以閒世學人不保其墓如此慨焉久之墓前尺餘舊有祠瓦礫累累竹茨交纏半日乃盡闢基不甚闊僅三楹耳金公卽捐囊命士人封築之極高且大使樵牧不侵設拜祭奠衆紳耆咸歡忭以爲百餘年荒穢

今一旦修治之老泉公九京可慰忠定二公在天
之靈亦無憾矣金公復以其顛末上之撫臺能公
撥廣福寺左後之田二十畝爲老泉春秋祀田康
熙丁亥仲秋戴伊任敬識以待考古者并敘祀因
之所由來以昭金公表揚先賢之至意云

楊素墓在州北十五里

楊成墓在州北一里

李重墓在州西棲雲寺旁

孫抃墓在州南石佛鎮

白鶴翁墓在州西四十里爲東坡之孫

按州志白鶴翁墓在

州南五十里墓門砌磚有字痕可識曰白鶴翁墓
查東坡之孫有諱符者仕高宗朝爲禮部尚書其

爲白鶴翁無疑

寶月大師墓在州東智福院

附宋蘇軾銘寶月大師惟簡字宗古姓蘇

氏眉之眉山入於余爲無服兄九歲事成都中和勝相院慧悟大師十九得度二十九賜紫三十六賜號其同門友文雅大師惟慶爲成都僧統所治萬餘人鞭笞不用中外肅伏慶博學通古今善爲詩至于持律總衆酬酢事物則師密相之也凡三十餘年人莫知其出于師者師清亮敏達綜練萬事端身以律物勞已以裕人人皆高其才服其心凡所欲爲趨成之更新其精舍之在成都與郫者凡一百七十三間經藏一廬舍那阿彌陀彌勒大悲像四塼橋二十七皆談笑而成其堅緻可支一世師于佛事雖若有爲譬之農夫畦而種之待其自成不數數然也故余嘗以爲修三摩鉢提者蜀守與使者皆一時名公卿人人與師善然師嘗罕見寡言務自却遠蓋不可得而親疎者喜施藥所

活不可勝數少時瘠黑如梵僧既老而晬若復少者或曰是有陰德發于面壽未可涯也紹聖二年六月九日始得微疾卽以書告于往來者勅其子孫皆佛法大事無一語私其身至二十二日集其徒問日蚤暮及辰曰吾行矣遂化年八十四是月二十六日歸骨于城東智福院之壽塔師少與蜀人張隱君少愚善吾先君亦深知之曰此子才用不減澄觀若事當有立于世爲僧亦無出其右者已而果然余謫居惠州徒曾孫法舟實來請銘銘曰大師寶月古字簡名出趙郡蘇東坡之兄自少潔齊老而彌剛領袖萬僧名聞四方壽八十四臘六十五塋然摩尼歸眞于土錦城之東松柏森森子孫如林蔽芾其陰

明處士王襄墓在州東五十里寶祿寺後

萬人塚在州南明末獻賊屠城殄民檢而葬之

丹稜縣

宋史通墓在縣南五十里石馬陵

人物考史通丹稜人少與兄恂以文

學知名舉元祐進士歷官通州尉磐石令有古循良風著易書乾坤別解詩書義論孟義又進世務執要十卷芻蕘策十卷附宋唐庚銘君諱通字子深姓史氏世爲睂之青神人少與其兄恂皆以文學知名于鄉年十七以貢舉不中遂退居於楠溪之上杜門著書絕人事者數年得易著若干卷乾坤別解三卷禮記義一卷詳說四卷律呂氣數十卷書義八卷詩義若干卷論語孟子解各若干卷子史論若干卷其書既出學者翕然稱之或曰是知古矣其於時事未必知也已而君至京師進世要機務十卷芻蕘策二十卷其言當世便利非草茅布衣之士所能言之至于論兵則雖謀臣宿將練習邊事者弗能易也或曰是能言矣其於行事未必能也已而君起家尉通州遂能使人畏已

遇事輒斷號爲強明至作盤石令則又專務寬厚
和易撫字勸課如古循吏所爲蓋二邑之俗不同
故君所以應之者亦異名聲大著諸公交章薦之
而君已卒縣人哭泣悲思至今父老猶喜道當時
事吾嘗謂學者所貴乎知經者以其能知道所貴
乎知道者以其能應物白首窮經而不能應物又
何以經爲哉悲夫君學足以知經道足以應世而
晚得一命年止五十七不得以充其志官止于一
縣令不得以盡其才故其應物者止于如此此吾
黨之士所以嗟惋歎息爲之請銘以葬而吾亦不
得而辭也史氏系出魯國從徙杜陵唐末入蜀遂
家于眉會祖考皆不仕君中元祐三年進士第歷
達州通州尉資州盤石令年月日卒於官舍先娶
侯氏再娶程氏男二人曰紀曰彥時女五人長適
某次適某孫男二人女一人皆幼以大觀三年三
月日葬於某山之原銘曰子深之書學者多有雖
不銘之自足以久旣足以久而又銘之子深之傳
愈久不疑

李燾墓在縣龍鵠山下墓前有石爐二石人四石

獸八尙存官學士

附宋周必大碑韓愈以天刑人禍歸咎史筆柳宗元隨闢其說

後人終致疑焉今以李文簡公驗之何疑且左氏紀諸國之事史記上下數千載是是非非利害不專及當世若公續司馬光資治通鑑爲本朝長編上關國體下涉諸臣之家非異代比使天刑人禍可信安能紹知明主見推多士生歷清平沒定美諡諸子歷踐世科歷二千石光顯未艾如李氏者乎况公出入中外見爲忠直盡言交游藐視強禦雖微作史自當齟齬難合然讒閒不行于朝士大夫鮮含怒者何也守道正莅職公事上不欺應物無心天人交助其茲乎旣沒十八年蜀多文士其子不近求缺而遠屬缺同朝久相知深也歟是宜序而銘之公諱燾字仁甫一字子真系出唐曹荝王季子右武衛大將軍偲武后斥爲民徙睢州之丹稜縣遂家焉六世孫瑜始復屬籍仕至長江令

公長江十一世孫曾祖夔祖鳳贈奉直大夫考中
朝奉大夫知仙井監累贈宣奉大夫缺史氏公政
和乙未天資穎異博覽經傳獨不樂王安石學甫
冠已著兩漢鑑明年追念靖康變故著反正議十
四篇人皆奇之紹興八年第進士調成都府華陽
縣主簿未上講書本縣龍鶴山命曰巽巖有記云
子眞子三卜居乃得此山向東南面西北其位爲
巽爲乾蓋處已非乾則無以立應物非巽則無以
行易六十四卦仲尼掇其九而三陳之起乎履止
乎巽此講學之序也語曰可與共學未可與適道
可與適道未可與立可與立未可與權夫人各有
所立善惡分焉惟能謙可與共學惟能復可與適
道知所適而無以自立則莫能久故取諸常恒久
于其道或損之或益之至于困而不改若井未始
隨邑而遷則所以自立者成矣雖然吉凶禍福橫
發逆起有不可知將合于道其惟權乎然非巽則
權亦不可行學而至于巽乃可與權此聖賢事業
也年方二十四其志趣學問如此久之赴華陽時